

O cafay i mamang a misalaman

O tasalaman no mako i mamang ho^ i, cecay fohecalay a posi^.

Satomili' sa ko fanoh nira, makapoh a nengnengen, onini a posi^ ko pacafayay to romi'ami'ad i takowanan, ira cira caay ka tifahaw kako to romi'ami'ad.

Nawhani, yo mamang ho^ kako i, laliwen no ina^ kako a matayal, pakiloma' han kako, o ama: ko midipotay to romi'ami'ad. O mama^ no mako i adihay ko sa'opo^ a mikayki^ i cowacowa^, sini'adaen caira a cecay kako i loma', saka pahafayen naira ko cecay a fohecalay a posi^ to malocafay ako i loma', hay caay pia'ocil a tomangic sanay ko mato'asay, saka o posi^ ko pacafayay i takowan i mamang a misalama^.

Maolah kako toya posi^, talacowacowa^ kako i mikakotoday i takowanan, ira cira i malipahak caay ka tifahaw kako, mapawan ako ko sapi'ocilaw to ina^ ato mama^. Nikaorira, yo cecay a romi'ad tahacerem to ko lafii^, taloma' to ko ina^ ato mama^ na i katayalan i, awaay ho^ a taloma' koya posi^, salafii^ caay ka ala^ ko fafoti'en no mako.

So'elinay cila^ sato to dafak nengneng han i, ira i lawac no lalan maripa'ay no paliding mapatay to, wao...wao..., sato kako a tomangic a mi'afifo^

toya posi^ a panokay, caay ka taterep ko pitatangic no mako, caay ka hinom ko faloco' ako a sina'eloy to tasalaman.

O harateng ako itiya i, tadasemer ko faloco' a maliyas no cafay a posi^, awaay to ko pacafayay a misalama^ i takowanan. Onini a demakan tangasa^ anini^ caay ka pawan kako, nawhani, i 'orip no mako i sa'ayaway a maliyas no cafay i, mato mafalahay no idang ko 'orip ako, matomes i faloco' ko tifahaw to romi'ami'ad.

Anini^ mato'as to mafana' to kako to no tamdawan, ano ira ko mararomay a maliyas no idang a tifahaway a tamdaw i, pa'ayaw sa ko faloco' ako i caira, nawhani, na mahaenay a tomangic tifahaw ko faloco' ako tona maliyas no posi^ kako.

Noni a demak, mafana' to kako to sowal no tamdaw tora “ itini i hekal i, awaay ko caay ka liwasak a taheka^ ” sanay a sowal. Nawhani, ano masamaaman ko nika fangcal a malacafay malawidang i, ira aca^ ko palaliyasay a demak, saka caay ka tahiraw ko cafay hananay.

(文章大意 僅供參考) ※字數限 200 字

小時候的玩伴

小時候的玩伴是隻白色貓咪，牠毛色潔白，每天陪伴我，我的生活不會寂寞、無聊。我很喜歡那隻貓咪，我走到哪牠也跟到哪，有牠陪伴，我不會寂寞無聊。有天傍晚，爸媽已經回來，卻沒有看到貓咪回來，整晚無法入睡。第二天路人發現牠躺臥在路邊草叢，我淚流滿面，把貓咪抱在懷裡回家。

我不會忘記這件事，第一次體會玩伴的離開，現在長大了，也懂事了，若看到有人因好友離開感到寂寞時，心中有無限慟容，曾經我也過著無奈的寂寞的生活。